



**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Vlyssis astutia. Præsagia seu prognostica ex pueris.

[urn:nbn:de:hbz:466:1-68709](#)

Ethica.

I. (a) Quemadmodum Vlyssis astutia latentem Achillem prostravit, ita simulatam Vlyssis insaniam calliditas Palamedis, fortitudine & sapientia præstantis belli ducis prius detexit. Atque hoc erat, juxta proverbium: *Cum vulpe vulpinari & cum Cretensi cretizare.* Monet Horatius

Nunquam te fallant animi sub vulpe latentes.

Et Terent. in And.

Fallacia alia aliam trahit.

Deprehensa est versutia Vlyssis objecto filiolo; sed ille sua captus arte, Achillem quoque cepit. Cum enim ex Oraculo didicisset Thetis, Achillis mater, peritum in expeditione Troiana filium; aliunde vero Galchas vates pronuntiasset, sine Achille Troiam expugnari non posse, Vlyssis astu, coactus est arma capessere. Dum enim matris iussu latet Achilles, virgineo tectus habitu in gynæceo regio apud Sciron insulam (unam e Cycladibus) inter filias Lycomedis regis; id subodoratus Vlysses, eò contendit cum mercibus mercator personatus, quas in illo gynæco venales exponit, Achillis à Virginibus discernendi causâ. (b) Hic, puellæ regiæ, pro insita sexus indole, dum in armillas, specula, monilia, cæteraque id genus mundi muliebris ornamenta, curiosas manus injiciunt, cupidisque inspiciunt oculis; Achilles contrà clypeos attredare, cassides aptare capiti, vibrare enses, & lateri accommodare. Quod indicio marem se ostendens, ad bellum proficisci compellitur, armis prius instructus à Vulcano, Thetidis rogatu, impenetrabilibus. Nempe primis ab annis prodit se indoles. Prov. 6. *Ex studiis suis cognoscitur puer.* Et juxta adagium: arbor è surculo, seges ex herba. Alexander etiamnum puer, Bucephalum, equum ferocissimum, de quo frenando alii desperabant, mira dexteritate solus edomuit. Laudat S. Greg. Nazianz in epist. ad Eudoxium consuetudinem Atheniensium. Proponebantur, inquit, publicè, cuiusvis artificii instrumenta, atque ad illa ducebantur adolescentes: quocunque tum quisque delectabatur, & ad quod accurrebat, illius edocebatur artificium, propterea, quod, quæ ad naturæ ductum sunt, plerumque bene succedant: quæ præter naturam præsumuntur, frustra tentantur. Vis nosse ingenium pueri? attende ad ejus studia. Tractat aleas & lusorias chartas? aleatorem time. Pocula & patinas? gulonem videbis.

D d d

Nummos

(a) *Vlyssis astutia.* (b) *Præsagia pueris.*

334

Nummos amat: Lucrionem exspecta. Specula & calamistra? Superbum & comptulum Veneris alumnum nutris. Achilles qualis futurus esset, selectu armorum ostendit. Judicium in hac re Salomonicum refert Salianus ex Cedreno ad annum Mundi 3047. Sapientissimum hunc Israëlis regem, omnium scientiam parabolarum & ænigmatum percalentem regina Sabæ accesserat, ejusque magnificentiâ ac responsis attonita steterat, cùm placuit insolens aliquod ejus sapientie specimen capere. Sex pueros & puellas formâ præstantes consimili prorsus habitu, & ornatu instructos, coram eo constituit, petiūque num ex physiognomia, è vultûs lineamentis, aut variis morum indiciis, dignoscere inter sexum valeret? Rex omnes intuitus, quempiam ex aulicis vas aquæ adferre jubet, ac singulis faciem ut frigida abluant, imperat; quo astu discrimen sexus illico deprehendit: mares quippe intrepidè ac strenue vultum confricabant: puellæ timidè ac tenuiter se aspergebant, adeò teneris in annis se ostentat animus masculus, qualem Achilles habuit. Tiberius prospecto Caligulae pueri ingenio, fero ac maleficio, subinde dicebat, se *nātricem* (est genus serpentis) reipublicæ; Phaëthonem Orbi terrarum educare. Quô facit adagium: *lignum tortum, haud unquam rectum.*

II. (c) Vlyssis socii solutis ex avaritia utribus, ventos amittunt: aurum non inveniunt. Homerus lib. a. Odyss. Rectè verò! Sic deluditur avaritia. Poterant feliciter navigare Vlyssis comites, si potuissent retinere ventos, quos in pellibus bubulis inclusos, secum deportabant; sed partim habendi cupiditas utres solvit, ventosque simul ac fortunam perdidit. Hoc habet auri famæ. Psalte affirmante regio: *nihil invenerunt omnes viri divitiarum in manibus suis.* psal. 5. Nihil omnino, nihil, nisi merum vacuum & inane. Huc facit illa femina, de quâ Æsopus, cui cùm gallina aureum quotidie ovum pareret, illarata totam eam intus esse auream, alitem occidit, aurum nullum invenit, & simul quæstum, quem ex pretioso partu habebat, perdidit. Ita Johannes quidam, cognomento Conaza, vir locuples, natione Britannus, avaras & ingratas filias elusit, quas ubi honestissimè clokarat, & vivas, opum suarum hæredes fecerat; illæ paulatim senis jam emuncti pertœsa, pietatis ac pectorum immemores, durius eum tractare cœperunt. Illeas ut ulcisceretur, nummos aliquam-miltos aureos sumpsit mutuos, eosque manibus versare cœpit, ac rationes computare, secundumque missitare, suarum se filiarum illi, quæ optimè de se merita fuerit, digniora proc-

mia

(c) *Avaricia elusa.*